



ALVER KOMMUNE  
Postboks 4  
5906 FREKHAUG

Saksbehandlar, innvalstelefon  
Martin Søgner, 5764 3079  
Torkel Hofseth, 5764 3083

## Uttale - Bygging av landbruksveg - Alver 325/17 - Fosse

Vi viser til høyring på søknad om bygging av midlertidig landbruksveg klasse 7 på gnr. 325. bnr. 17 i Alver kommune. Vegen er planlagd med 350 meter nyanlegg, og vil gi tilgang til totalt 500 m<sup>3</sup> skog. Interesser i vegen er opplyst å vere 22 prosent skogbruk, 33 prosent jordbruk og 44 prosent landbruksbygg, totalt 99 prosent landbruksinteresser. Kommunen har sendt saka til uttale, jf. *forskrift om planlegging og godkjenning av landbruksveier* § 3-1, jf. § 1-1.

Føremålsparagrafen i landbruksvegforskrifta seier «*Formålet med denne forskriften er å sikre at planlegging og bygging av landbruksveier skjer på en måte som skal gi landbruksfaglige helhetsløsninger. Det skal samtidig legges vekt på hensynet til miljøverdier som naturmangfold, landskap, kulturminner og friluftsliv, hensynet til fare for flom, erosjon og løsmasseskred, samt andre interesser som blir berørt av vei framføringen*»

I slike høyringssaker går vi ikkje detaljert inn i dei vurderingane som må gjerast i saka, dette fordi det er kommunen som er den ansvarlege førsteinstansen og som skal foreta dei konkrete vurderingane i forhold til regelverket. De kan finne ein god del informasjon på [nettsida](#) vår som kan vere nyttig, der er det bl.a. lenker til regelverket og aktuelle rundskriv.

Det er ønske om å bygge ein midlertidig traktorveg klasse 7, til uttak av skog. Det er planlagd mellomlagring av massar i samband med vegbygginga. Eigedommen skal regulerast til bustadfelt, og vegen skal brukast av grunneigar for uttak av skog. Vi vil peike på det grunnleggande kravet i landbruksvegforskrifta, at landbruksverksemd skal utgjere hovudformålet med vegen. Er det tilfelle for denne vegen?

Vi har gjort ein kort utsjekk av miljøinteressene i denne konkrete saken, og så vidt vi kjenner til er det ikkje viktige naturkvalitetar eller miljøverdier som vert råka av dette veganlegget.

Med helsing

Christian Rekkedal  
landbruksdirektør

Martin Søgner  
rådgjevar



*Dokumentet er elektronisk godkjent*